

مکتوبات

ادبی و سیاسی رساله‌ها اسبوعیه در

۳۱ نجی سنه

۲۳ ربیع الآخر ۱۳۳۰

پنجشنبه

جلد: ۱۴ - جزو: ۱۴۱

آجیق مخابره

آلدیغیز مکتوبک عینی در .

.....

نافعه ناظر اسبقی متوفی محمود جلال الدین پاشانک آثار متروکه سندن مرآت حقیقتک بودفعه انتشار ایدن او خنجی جلدینک سعاوی وقعه سنی حاکی اولان یدنجی فصلنک مبدآنده (عبدالحمیدخان حضرتلری اناسی جلوسلرنده خاقان سابق سلطان مراد طرفدارلری و بر مدتین برو « یکنی عثمانلیلر » نامنی آلان کروهک مقتدا و سردارلری اولان بعض خلیع الغدار فسدهنی مستحق اولمدقلری تلطیفات ایله تحت نظرده طوتوبده اونه طرفه میسللرندن محتمل اولان آثار مفاسدنک وجوده کله یلسنی منع ایتمک کبی بر تدبیر مخصوص اتخاذ بیوره رق اقلا بونلری بعض اشغال ظریفانه ایله سرای هایوننده بولندیردیلر . لیکن شویولنده اداره لری قابل اوله مدیقندن کمال بک کبی وکلای عصردن صحابت کورنلری برر خدمته صوقیشوب اوتوده « علی سعاوی » سفیه روزکاری قالمش ایدی که (تعبیر یله یکنی عثمانلیلر جمعیت محترمه سنک مقتدابهلری فساد ایله و بونلرک سرفرازی و ارباب قلمک قره العینی کمال بک مرحوم وکلای عصرک مصحوبی اولمقله اتهام اولنیورکه بو زباندرازلغه هیچ بر صاحب حیثتک تحمل ایدمه یه چکی درکار اولوب بناء علیه اسنادات واقعه نیک رد یله تاریخ عثمانینک بوکبی غرضکارانه تفوهاندن تزییهی ذات عالیلری کبی بالفعل جمعیت مذکورنک اعضای محترمه سندن بولنان ذوات کرام ایچون وجیهه ذمت بولندیقندن بوهفته کی مجموعه مرغوبهده تصحیح و توضیح مایقع بیورلمسی منوط رأی عالیریدر باقی عرض خلوص و احترام اولنور .

۱۸ ربیع الاخر سنه ۱۳۳۰

جیل

مجموعه

کتابی بولدربوب نقل ایتدیکنلر قمره نیک مقدماتی تدقیق ایله کله بکک نسخه ده اقتضا ایدن ایضاحاتده بولنمی وعد ایدرز . پیشین خبر ویرلم که کتابک آدی (تاریخ) اولمش اولسه ایدی اوکی براترک تبیی زحمتنه هیچده حاجت کورمزدک . چونکه زمانغزده بو بولنده مستکره الفاظ ایله یازیلان شیلری حسن تلقی ایدنلرک ذاتاً حکمی قالمشدر .